

獨

漑

堂

詩

集

獨漉堂集卷之五

羅浮陳恭尹字元孝

小禹初集 小序

小禹番禹二山間一丘也予中年倦於游而食指日繁取資於筆墨遂不能不與人世往來于戈之際又往往以不出見人穢爲疑謗歲甲子始卜居茲丘之陽丙寅之冬遂移家焉今不覺十餘年矣會城五方雜處多意外之酬贈故其詩大半入唱和集中間有題咏同而不出於次韻者仍附此集以無虛此歲月自丙寅至戊寅爲小禹初集凡二

卷

送朱子成之贛州

僕僕南中路窮遊亦壯遊義能存故友分不見諸侯五嶺天磨蝎雙江地咽喉何心成聚散吾道正悠悠

壽林遠峯

與爾爲同病蹉跎四十秋尙垂孤子淚已白少年頭漫學窮彌壯唯應老莫休長生知有地居處近羅浮

壽劉沛叔

黎太僕美周之甥

章貢千峯裏當年羽檄飛死生從舅氏辛苦脫重圍馬骨招無日虬鬚拔漸稀白頭持壽酒莫道不沾衣

送張超然

閩人時寓吳門

相送已云再風花今仲春重尋來日路又老一年人楚水趨吳遠閩山與越鄰便歸何不可詩卷未常貧

詞林雅集得青字

何地堪相約南宗有祖庭倚欄梁樹古開閣越山青高
咏寬頰暮深杯免獨醒年年二三月車馬此頻經

送施子寓歸杭州

詩思清如水人間澹似秋此來非有謂何以客炎州
舊浦香難問今年荔不收聞君住河濱歸去棹扁舟

爲徐序仔題畫

君愛嶺南山雖好攜不得安得懷袖間有此英州石

送善丹青者吳碧山

紗巾長嘯復何之文采風流杜老詩頗怪世間男子少煩君多爲著鬚眉

爲嚴萬漁官允題綠端硯五首

似是花磚瀆古苔碧雲何意下崧臺曹家舊瓦誇銅雀飛作鴛鴦入夢來

五色曾聞鍊女皇至今調綠用元黃一從補後星辰穩夫地精華萃此方

端溪雖眼最精熒龍尾金光帶列星別向人前開寶匣

倚天元自有青萍

漢武凌雲思欲飛相如詞賦有光輝仙人掌上分餘憑
滴露研朱對綠衣

巧匠何年琢翠屏一泓秋水在閒庭岣嶁綠字遙相待
細寫文章入汗青

築室謠和何不偕

杵聲緩杵聲急不畏築牆低只畏囊羞澀牆低有土猶
可鋤囊空人笑不丈夫

少小師前修安能事一室老爲妻子累艱難結蓬草十
年遷播數易居匪自求之天我兀誰憐鳩拙不能巢只

聞鬼狡存三篇

故人自有屋屋小人日多我已無家四十年偶然卜隱
來城阿同時各有築室歎杵聲橐橐遙相和杵聲緩杵
聲急未成仰屋籌只自面墻直

真際上人小影

道在寧知白髮生禪房閒寂好經行月明滿地無人會
消受菩提葉葉聲

贈徐道冲

離啼聲已滿朝陽籬鳳今看起後行繼世才名徐孝穆
慰親詞賦魯靈光棟花風裏過三楚荔子香時到五羊

車轍肯來尋負郭老生頭白尙能狂

寄答華商原時寄示所刻方輿紀要

曾泊端溪共醉歌霜天涼月映藤蓑數莖鶴髮生來早
千里魚書別後多已付形骸同土木尙勞心力紀關河
終篇不覺迺然笑壯志真慙馬伏波

送李嗣公

昔年曾醉鶴樓中江漢雙流直向東君去揚帆秋正好
楚臺今日有雄風

題彭艾菴畫舫

酒船來去好相招朝是山林暮市朝夾柳畫橋金絡馬

入城秋水木蘭橈

冬日端江舟中雜咏

數家修竹舊臨湍門徑今勞仰面看記得秋初曾借泊
維舟剛在赤欄干

黃鶴崧臺伯仲間東南名勝莫能班牂牁小讓三巴水
石室奇於大別山

小湘峽口霧連天三尺漁竿兩槳船釣得嘉魚送官舫
老夫不是買無錢

滇桂源頭萬里遙一秋無雨漲全消端坑水涸初開硯
羚峽門高暗長潮

黃岡村裏硯成堆市估爭攜趁客回浪說老夫能識石
更無人向小舟來

送蔡亦介歸博羅

歸去羅陽水千峯是故廬但令畊有地休念出無車濁
酒三秋後閒身百戰餘親前猶孺子更讀圯橋書

壽伯母梅太君

過來三萬又三千百歲期頤在目前兩子白頭相孝友
一家全盛見曾元能言神廟昇平事尙記吾翁始學年
今日併成前代史誰知猶有地行仙

戊辰正月十日舟泊端州王礎塵自開建適至令

正月溪山餘暖氣炎方別自爲天地乘興拏舟入峽來
故人恰自康州至客中無地可爲歡高君況在郊南寺
落落乾坤數老翁天涯相見俱憔悴賢郎高燕爲客開
李生後至初揮杯登樓曠望見原野定山數點青崔嵬
園桃一樹紅如火折向瓶中如笑我東風只自戀新枝
何處林間尋碩果年當壯盛好努力白髮生來無一可
且燒高燭佛燈前狂歌縱飲開新年東南之美略已具
人間此會非徒然爲君白眼望青天

登湛禎士新閣

新構閒齋事事幽簾櫳清寂勝前游疎籬引蔓時妨帽老樹扶人共上樓暮雨千家聞短笛東風一綠徧平疇園林烟景元堪畫况有數峯來上頭

題畫馬

櫪下林邊寄病身渥洼龍性本難馴休嫌奔走空皮骨世上誰爲買駿人

題畫鷹

搏擊西風力有餘高枝獨立意何如羽毛已具飛揚勢莫老磻溪待後車

題八駿圖

日行三萬力何長博得瑤池一夕觴畫譜至今圖八駿
史書空自笑周王

送王子玉歸南昌

梅關北下水如湯十日南風是豫章歸去滕王新閣上
更將文記次三王

西疇螟臘不成禾南海先秋已自波莫訝送君無好句
詩懷枯寂比人多

贈別潘稼堂簡討

向來高步渺羣儒名在新篇世莫踰鳳羽尙思翔萬仞

鶴書爭遣下三吳，橫竿笠澤江邊臥。直宿文昌殿後趨，
爲見爲潛君並得天涯相見話菰蘆。

去是新秋來是冬，一年蹤跡嶺雲中。猶同遯世人無悶

獨有名山路未窮採硯每逢蕉葉白買舟頻繫荔支紅

羅浮括八歸囊裏曾否江門夢釣翁

白沙先生夢長髯道士以囊貯羅浮

遺之稼堂近游羅浮得新舊圖志將刪定爲一書故用爲喻

送潘涵觀之潮陽

郭中猶積暑江上已重陽，不惜人千里。其如水一方篇
章添采菊消息邇，維桑亦是淹留地。無忘寄八行，
三年珠海客懷抱。幾曾開此日，人將別高天。鴈正來邊

風過細柳羌笛思殘梅帷幄堪前箸寧唯草檄才

九日登鎮海樓

清尊須醉曲欄前飛閣臨秋一浩然五嶺北來峯在地
九州南盡水浮天將開菊蕊黃如酒欲到松風響似泉
白首重陽唯有笑未堪懷古問山川

次先司馬韻寄吳爾景

月下論詩夜不眠鯉庭同試鳳山泉平陵歌入千秋史
頭白門人說往年

夜度黃脊沙漫成寄示贛勵

無窮志業總成賒老去吾生漸有涯秋秋未登頻臥疾

菊花臨發又離家風吹野栎來虛舫月應寒潮上淺沙
報汝三冬宜共勉莫耽朋酒負年華

五色筆歌爲王礎兄紀夢

十月江清不成凍寒潮入峽微風送峽裏停舟待故人
故人書至翻言夢夢中授筆何老翁峩冠廣袖言雍容
爲言房隘筆毫損寬之所以全其鋒故人受筆欣然久
五色光芒猶在手旣醒而寐復見之六十衰年義何取
我持書札三四看爲君喜氣橫眉端不聞帝命司徒契
五教之敷惟在寬天人至理數必五天日五行人五事
包羅萬有八織毫驅使六經爲臂指江淹鮑照不知此

中書君老而禿矣爲君大封管城子夷吾器小安足齒
研用補天五色石書用尙方五色紙春陵霸上雲氣多
會寫龍文入青史

題嚴灘垂釣圖

飲水巖灘亦漢臣偶然伸脚動星辰尋常裘釣家家有
只少人間共臥人

題虬髯客圖

九州可贈百萬何惜騎驢出門書生失色

別翁約似廣文

臯比一坐鬢蒼蒼俸入雖微喜近鄉高峽雲山初假館

三城風雨舊同堂康成善飲儀彌謹阮籍能吟醒亦狂
還擬花時共沉醉清溪聊且放歸航

偶過六瑩堂十一姪以畫軸索題時方七齡好尙
如此知爲英物也

長眉高隼骨錚錚杖錫胡僧意氣橫穩坐蛟龍方濯足
不知風雨夜來生

七齡俊邁異常童揖請新詩獨向儂知有文章齊老鳳
不須圖畫美眞龍

題四無蟬師

邀瀑孤亭上安禪尙少年舊遊成夢幻一悟徹人天古

貌何超絕真機但默然老來詩更好都任世間傳

寄送劉海陽靜伯

幾年音問渺天涯別路茫茫繫我思空際飛鳬人莫覩
市中成虎世誰知狂多在醒何須酒窮到能工定有詩
片刺相投俱不值倏聞車馬又東馳

寄黃忍菴太史

首蒲澗水記浮觴別後音書枉數行近日銅龍老賓客
幾年金馬校文章網羅異代歸遷史羽翼高飛倚夏黃
江左嶺南多軼事頗曾爲論辨興亡

春日王也夔招游蒲澗卽事作

何處春郊布綺筵菖蒲澗口接濂泉竹分山色爲門徑
石咽溪聲似管絃野寺蒼涼懷古地東風晴暖試花天
閒來偶共山僧笑不醉溪橋又五年

向恬菴攜酒西山是日適熱發不得痛飲賦此答

謝

誰走銀鞍掣玉壺西山亭沼對城隅人言梁國佳公子
僕是高陽舊酒徒魚戲新荷筒尙卷月疎楊柳葉全枯
時來望雨憂如渴清句居然起病夫

余兼五招同梁巨圃劉倬之梁耋符劉惇子小飲
池亭大雨適至卽事分賦得花字

旬來憂旱每成嗟兩度甘霖值爾家高樹領風多在柳
小池添水半爲花涼聲入耳能銷酒香氣浮盃好試茶
況是主人文字飲篝燈拈韻興何涯

端江五日寫懷

五月牂牁水今年少濁波隄連沙衍出山落石痕多仰
食資畲米均輸恃海鹹東陲膏雨足西土定如何
炎荒爲澤國海舶壯軍威跋浪如山立乘風若電飛雉
曾重譯貢馬已華陽歸恃有長城在南人解鐵衣
江關山爲岸奔流直向東最愁炎暑月多作石尤風不
有藏舟地徒勞拯溺功可能開別港羈泊免途窮端州城下

無港口停泊之所大風作
則舟石相觸往往覆溺

厓門三百里洄溯未爲遙西水秋無力南風夜有潮豫

防聞往哲列成自前朝海徼波濤地母云兵已銷

前輩
葉石

洞謂宜增仰船洋戎
兵以固端州門戶

少日趨庭過中年閉戶居恥爲無用學必讀有源書衰
白心徒苦經綸事已虛客途猶秉燭終恐負居諸
處處弔靈均當年一逐臣跡疏猶戀國道直不謀身日
月懸詞賦風濤泣鬼神湘流殊未極來者又何人

端州華嚴菴送何孟門陶握手紫巘游鼎湖

一月江城住茅菴共菜根更尋名勝地仍是給孤園高

峽連峰影清溪到院門不能同買棹相送亦難言

尙記登臨日春王正月中冰霜凝野寺燈火徹行宮未

續青山夢居然白髮翁鼎湖名尙在惆悵泣遺弓

栖壑大師

改鼎湖爲天湖時行在在端也

送陶虎侯

昨夜明河澹欲流纖纖涼月報新秋似君七夕天南路
牛女星邊一葉舟

三十閒身百戰餘新詩唯有問樵漁贈君此別如何道
飽看名山勝讀書

送程荆山歸富平爲其尊人壽

平生游未到秦川每送秦人一黯然四姓帝居雄自古
二嶠關路險如天河冰堅處行歸騎霜月圓時泊客船
不必更論南越橐卷中曾補白華篇

源溪苓塞近何如華子高棲善著書歸奉晨昏千里外
正當天地一陽初羅浮大藥先生鼎太華晴峯雪照廬
自昔五陵游俠窟送君臨發重踟躇

己巳九日鎮海樓作

自我移居到南郭登高三上三城北城隅傑閣五層開
六合分分在胸臆三江洋洋趨向東五嶺氣與珠崖通
青天四垂海波立煙雲變幻生長風故人相約酬佳節

歌舞岡前高宴列東西南北一萍蓬永嘯長吟各雄傑
仙人亭館石爲臺文牕四啓無纖埃木棉古樹垂百仞
清陰覆地秋聲來座邊埠塊連天起萬壘青青皆秀峙
龍盤虎踞勢未殊爲霸爲王皆有以昔人歌舞尙畱名
今人歌舞不成聲廣武城頭發浩歎千秋阮藉稱狂生
君不見高皇用武平方國百粵懷柔獨文德斯樓結構
自初年其廢其興豈人力雕甍刻桷此重新地轉天旋
多氣色爲君釀酒興何極半酣起舞忘頭白倚天長劍
又何人側身四望乾坤窄

羅浮道中值王礎塵生日寄之

別時不謂便踰旬此日高天見鴈羣黃菊籬邊誰對酒
朱明洞口倍懷君生多憂患常同邁齒在桑榆愧未聞
已定窮通數年計白頭相伴老飛雲

贈別任道爰

隱居雖隔嶺頭雲廿載相知只耳聞三度南來初值我
一秋游興又違君生涯事事成蛇足行跡年年似鴈羣
未必白頭皆若此酒闌攜手望星文

輓張桐君

舉世醒皆醉斯人邇亦遐五車梁惠子七葉漢張家每
有乘桴歎常深彼黍嗟乾坤無故國白首尙天涯

北海開尊久南溟世澤深萍蓬無定聚松竹本同林未免艱虞日多承繙戀心夜臺今不作寂寞歎人琴

燈下文猶草宵中館已捐有生終是化無疾卽爲仙允子來千里歸舟動隔年知君丈夫志不死女兒邊

交君兄與弟並是廿年前五嶺非深阻雙棺乃後先長途號白馬中夜泣啼鵑慟絕南州客貧無絮酒錢令兄南士

卒嶺上
名杉客

送彭艾菴流漳州

東郊此別莫銷魂千里閩中路易言老淚數行惟母在餘生一日是君恩往來潮水通雙鯉去住雲山隔斷猿

到日楓亭秋漸近荔支紅處似家園

寄懷王阮亭兼索其南海集

酷似高人王右丞在官蕭散意如冰時名兄弟堪方駕
家學文章是一燈滄海乘槎曾獨到越山懷古記同登
南來新詠多如許紙貴衡陽寫未能

題甘衷素小影

青松白石不沾塵野服科頭意自真一坐空山非易得
十年南北倦遊人

續王礪塵少萊子歌爲屈翁山壽

老萊子有五色衣少萊子有五色筆衣舞斑爛有盡時

筆飛青簡無窮日每常中夜起鷄聲亦曾草檄母窺屏
子年六十母九十母頭全白子全青階前幼稱立四五
長者能文少者語人生快意豈在多莫惜堆盤獻鷄黍
君不見叔皮避地河西居王命論成還著書漢家紀傳
定義例作者何必皆石渠平津六十初應詔再至太常
方見名奇才偉貌衆所推得君何必皆年少君家有書
非野史碧血熒熒光透紙筆端生氣萬古存君與人人
皆不死少萊子老布衣世人好惡多是非三間之後若
無子日月誰與爭光輝請簪此筆立殿陛可以上報三

庚午九日歌和礪兄

前年九日登高回月入南斗光徘徊今年九日西風急
昨夜斗中月仍入上天垂象每若斯安用樽前百憂集
斗杓如柄挹銀河酌河爲酒未言多今年九日且已過
明年九日當如何請酌大斗還高歌

送李孝先之蘄州扶其先大夫相如先生旅櫬歸

粵

滇楚千峰斷當年立馬看那堪亡國淚還灑故人棺彭
蠡扁舟小凌江素旆寒首丘憑孺子辛苦涉驚瀾

四十年長別三千里寄居生時知有子歸日已無書老

僕尋先塚荒畚繞舊廬要離雖可近未若返于初
惜汝風塵早艱虞及弱齡誦詩悲陟岵聞禮夢趨庭剝
極終來復藍深或出青蘄黃張楚地早願返松局

寄姚雲望

江北江南雪色昏白頭騎馬向中原不知天地寒如此
猶有遺民問寢園

送何孟門之瓊州

曾歌燕筑金臺上又汎朱厓大海中老腳天涯殊復健
白頭吾道未終窮首春問路纖纖草二月揚帆細細風
此去鄉南更千里好音惟恨隔郵筒

博羅令陶雪樵解組將歸過予於五羊以羅浮新

志見貽詩以送之

解印深辭郡縣勞却煩車騎問蓬蒿幽人逸致行藏古
名世新編卷帙高未老閒身依淨社方春疏柳映林臯
羅浮不讓匡廬勝歸去先生又姓陶

依依圖送王礎塵之虔州

綰煙含霧一絲絲寫出東風贈別離莫向尊前吹玉笛
此聲曾入采薇詩

去年新柳百篇多今日臨岐且復歌地隔梅關纔一步
水分南北欲如何

一篙新水帶遙岑
弱縷輕籠萬樹深
不是長亭空折贈
依依元是故人心

送健塵至黃脊沙舟中復題三首

心似長條不自持
東風搖颺幾千絲
六年舍下同吟地
一宿江頭送遠時

葉葉枝枝吹自東
乘潮西去更乘風
還如老馬能千里
大笑舟中兩老翁

南柳花飛北尙含
片帆杯酒且同酣
送君心比春風遠
萬里青青過贛南

壽岑金紀

二十始相識西樵七十峰峰挾春酒坐聽山門鐘海
月竟不上白頭還幾逢相看兩不變心與雙芙蓉

花朝後五日同梁藥亭屈本菴吳山帶李方水集

石公離六堂卽事書懷

春半花猶未農時雨不來言尋方丈約笑爲老僧開古
井人爭水空池鶴印苔隱憂慙素飽鐘罷且徘徊

西疇延夕照籬落見層層檣影千年寺琴聲百歲僧風
枝翻弱絮香蕊結垂藤妙法離言說南宗此一燈時有
琴僧百歲

在坐

李孝先就婚西村卽事贈詩勉之

百曲西村水三春合巒杯天桃花路近連理樹門開擇
對元難偶題詩自得媒尊君風義在朋舊總能來

故人有才女之子產燕京萬里各南北一朝爲弟兄高
門曾列戟靈櫬望歸旌燕爾今方始無忘楚國行

送吳制軍至三水因紀昔游作百韻贈別

未別不忍言將別常蹙蹙旌旗在前路不獲展心曲維
持月在午雨潦猶未足高原土尙坼平野苗稀綠處處
桔槔聲未敵炎蒸酷斗米踰百錢農夫遂枵腹憶公下
車始頗亦憂餧粥舊染汚未除遐陬莽猶伏冥心運元
化大力旋坤軸三江匝五嶺九載皆熟熟西開官田成

東建花城築海濱弛苛禁萬艘銜艤舳貴賤通有無梯航極倭竺珍奇溢都市技巧眩心目南溟潮汐地島嶼浮如鶯潮生盡淹浸及退仍爲陸船行洲渚下支絳相洞渡奸徒棹駒舶捷徑飛馳逐意外一疎防坦途聞叫哭自公嚴汎守尺寸皆有屬搖颺蘆葦外碉戈間紅蠭徒旅曉夕行孤客投燈宿相謂百年來太平此時獨海關新榷稅使者憂盈縮算課及漁舟棄舟乃無屋妻兒爨野岸寢處巢林木減米獲生全賴公爲補贖牂牁數千里發源自滇筑攢峰割雲日鋸利侔刀鏃盤據百粵西大半苗蠻族君長世相承中華頻改卜其人殊倔強

其性同麋鹿得失幾微間赴死如蛾燭有明中葉後每用殺戮泰山壓羣卵安有不摧覆於德乖好生於武爲己黷內地况騷然所得焉足贖豈聞抵惡鳥輒以荆山玉公威久已著更用恩爲育召其黠桀者賜坐與酒肉貂裘及錦帶照曜歸窮谷傳諭與而曹鄴好宜修睦母自啓釁端禍及諸伯叔君長咸感懷稽首望輦轂邊烽絕無警一路蒙公福粵於丙丁際後亂而先復五營與有勞恃功頗難畜前人務優容軍政漸不肅及公明號令童牛初就牿戢其驕悍氣帖耳事輪輻親隨多驍健功在征閩錄夾持類蓬麻臂指從所欲乃知養士效

遠慮素所蓄從來成功人土視金與粟恩賞既以行有
罰敢不服公令重如山其照明知如旭東西山海隅萑苻
罔遺毒朝發夕已擒羣奸畏神速大象本無形政理難
更僕覩此一方民安和異曩夙足知良工苦非取悅時
俗往者破廈門舉世共瞻矚謀斷本獨行功成讓先告
是知大臣心舍己期相勗世人見淺近事事求表暴安
識國手摹下着關全局粵疆亂甫定培養宜先篤休息
以無爲治世之優游去其害馬者所以稱良牧老眼閱
古今或頗辨麥菽識時在俊傑屈指不五六懷刺每生
毛素恥事干瀆長揖入軍門荷公不見督疎狂謬賓禮

嘯咏無拘束尙記數年前維舟值秋菊在坐王將軍酒
關命牋幅中間置几硯杯尊羅四角聯詩公首唱以次
相贗續一人操筆吟二客飛觴促雕盤減玉饌小品珍
蔬蔌華燈繼落晷夜月生江澳公才敏且健珠璣瀉千
斛不離古典型別出新機軸于時有公會百政方族族
偶此一日閒雅事洵難複平沙列大幕萬馬鳴山麓扁
舟此追送彷彿猶前躅南北一分途飛潛隔寒燠老態
傍青門生事依黃犧日極車騎行心爲蒼生祝朝端望
風采功伐存山竹九重思鼓鼙天廩歸驛縣及此涉川
時揚帆發南隩湘灘水清漪洞庭秋沕穆想到黃金臺

寒風已謾謾童叟咽江滔揮涕成霖霖何時天上霖重
作南人穀伸章欲抒寫督亂筆先禿以質不以文將爲
後世讀拜別還空山雲中望鴻鵠

屈翁山寓樓老穀樹爲大風所摧詩以傷之索予

同賦

君家寓園西最好此老樹無風亦颼颼有壁勞遮護况
當赫曦時密蔭登樓路往者得屢過憑欄必迴顧大葉
類桑麻古幹如雕塑刺之出白乳膠漆同黏固楚人謂
乳敦名實本相附山木且自伐矧茲城與圃徧體刀斧
瘢中空復來蠹莫識始植年主人更已屢稽之抱樸子

赤寶顏能駐視夜見鬼神輕身追馬步每欲託園丁升
斗爲收聚昨夜時雨過新詩枉毫素傷樹有名篇清陰
絕良晤天地乃不仁風伯何相妬豈有精魅憑致于陰
陽怒傾壓及鄰家砍斬煩童孺充君廚下薪琴材亦難
具草木雖無靈修短固其數昔聞伊陟相其君帝太戊
有穀一夕拱修政知所懼曰妖不勝德終爾枯且錮殷
道以復興湯孫世延祚家國匪異觀災祥或同度慰君
用自廣伸紙爲贗賦

羅浮黃龍洞對雪

淅淅天上風吹我白日沒飛瀑漸無聲寒溪遂生骨仰

祝老人峰雲中玉爲笏嶽嵌積已平飄灑殊未歇迴旋
若翔舞廉纖亂毫髮客子宿茅茨居然見衝突重擔及
戶牖堆壓不可掘南州炎德在况此仙靈窟丹火伏不
興初陽動猶蹶判此始衰年擁衾坐明發賴逢酒力良
未使吟聲竭夜久迴聞鐘山曉不待月始知蓬島來往
事非荒忽請看朱明天化作金銀闕

客有之瓊州者屬其訪丘文莊海忠介二公祠宇
積水森四溟坤維有時絕朱崖隔華風靈氣久不洩悠
悠秦漢來青史獨曠缺一旦逢休明千秋兩人傑丘相
博古今海公樹風節獨立三百年後先罕其列作史正

世綱嚴統示子奪創論每驚人深思竟難越衍義續成書文章乃餘屑用未究當時功實裨前哲世廟聖之威金丹晚旒綴直言天下事聞者皆吐舌拚死批逆鱗豈惟檻可折沈蘿犴狴底忠愛日膠結方飲闌賓天一慟數斗血剛方古有人至誠孰能埒仰止匪自今瓣香獨遙爇君行渡瓊海跋浪如丘垤二公所釣遊野老猶能說經過祠廟下爲我停車轍

聞王惠州紫詮築子日亭於羅浮絕頂歌以寄之
我昔深春上衡岳千峰萬峰如玉琢雪壓松篁盡倒垂
杖頭一撥飛冰雹祝融古殿在中峰皎若瓊瑤生四角

石牆鐵瓦大如席巨木爲椽全不桷側聽唯有風怒號
仰視分明天一握南歸與客入羅浮臘盡綿衣寒未覺
三更觀日坐飛雲露宿終宵殊齷齪福地那能久寂寥
使君五馬來河朔山靈畱意俟奇人大雪飛空灑行幄
諸溪生骨不成流有酒如澑亦須澗同行賓客多英賢
儒衣僧衲皆沾渥豪吟總作金石聲瑤池直奏鈞天樂
紀遊示我詩一卷更道新亭命工斲亭成榜以子日名
盛事千秋良不數蓬瀛來此幾星霜絕頂誰爲問境塉
童兒壘石作浮圖樵斧無時加擊採一朝傑構得未曾
四百名峰增卓犖元陽之生正在子天心來復還先剝

日月精華吸最初神仙老易非殊學重檐深覆欲經久
土城因仍製宜樸石樓大小互相望上界仙壇爲犄角
雨餘飛瀑響漸多暖後黃精亦堪斲爲公擬續春深遊
亭中臥待天雞喔

梁殿一殿章招飲雨花洞卽事

五峰處處有名區最是君家似畫圖已割山光來屋裏
不妨樓外卽城隅香垂峭壁千花細石透盤根老樹孤
兩世過從今幾度快聽春鳥勸提壺

春日同吳又札梁蓋符郭公鷺游東郊倪公堤觀

徐邑侯新修石橋松路

杏花風裏酒旗翻
郭外新隄帶遠村
雙墮雲生偏蔭路
九橋潮長各爭門
童年捧杖還誰在
老大歸心未易言
待得小松高百尺
與君春雨更攜尊

林叔吾六十次已未韻壽之

祝君昔何所計月百六十不謂生初年循環亦俱及春
從笑語深霜自鬚眉入天地已驚雷龍蛇未離蟄寄此
一篇詩茫然百憂集想見舉案間當歡或或成泣有兄共
白頭有子幸能立此外復何求一觴聊自執溟鯢易變
化隙駟難維紮蟠溪有釣叟老見干戈戢君家有林類
百齡歌且拾窮通理若何仰視天如笠

嘲剔牙杖

甘苦全無與平生薄自居齒牙雖得利骨肉漸應疎

剔牙杖答

纖弱誠無狀唯君實使之若能無間隙輕薄亦奚施

壬申清明卽事次杜韻同王礎塵

故阡松栢有新煙欲上江鄉兩槳船老去登臨知幾度
時來醒醉且隨緣扶筇得得身能健插柳依依態可憐
兩月又過真倏爾一尊相對各陶然春城市肆猶爭米
薄俗窮民不要錢且喜今朝晴最好登秋豈獨慶豐年

又

久無消息嶺雲東有藥休教爲已聾北塞堅冰猶在野
南州新草漫連空百年飲恨孤兒在三月傷心萬國同
老淚只應鐫楚竹招魂空自賦江楓金陵佳氣松楸裏
銅柱高標指顧中莫向春光怨遲暮與君同是白頭翁

送李方水之官新興

新州江水昔曾嘗且喜西行路未長絳帳生徒兼稚子
青山風物是家鄉官間勿厭開綿帙身健先須檢祕方
不必強爲儒佛辨南能生處近宮牆

龍船行

朔日二日天尚晴江上寥寥金鼓聲五日六日雨正急

官點龍船如點兵金聲號呶鼓聲怒百里刻期齊競渡
家家合米作行糧百里科錢犒中路海珠寺邊古樹牢
官船繫纜風颺颺江中金鎖連舶艤巍巍鋪出歌臺高
上頭列坐獮牙袍橫江開宴停旌旄太平樂事非爲擾
最是小民難戶曉往年官禁船尙多今日官催船却少
上官出賞樹錦標銀牌如紙懸紅綃有司供鴨日三百
龍船角逐聲喧囂錦標奪歸插里社縱有能名無得者
雖云奪鴨不足誇明日賣錢還借家

壽羅願甫

南風吹送荔香新壽酒初開五十春馬齒相看吾更老

白頭羨爾倚闌人

寄何孟門時客瓊南二載矣

醉別江頭解袷衣別來兩度見芳菲海南節序無寒暑
空使王孫不記歸

唱和誰同水一方今年稀得見篇章看君亦是虬鬚客
莫到扶餘便自王

年年相約荔枝紅揮扇高談幾老翁掛綠凝冰知在念
未堪郵寄海船風

秋園十首

鑿池供版築杯水在堂坳有室如懸磬爲生且繫匏近

秋桐影薄深夜藥苗交自喜忘機久牕前鳥亦巢

隔城聞欸乃舟子理帆檣夜氣消羣動江聲到小堂遠
心秋外惆孤燭夢邊長臥起歌殘月滄浪興未忘

屺岵瞻何及干戈遂至今生無一日樂老負百年心息
影依林淺尋源鑿井深猶餘種瓜地鋤笠尙堪任

萬壽炎方果朝來葉漸添搖風重夏扇遮日却湘簾虛
質抽莖直蒼皮着子黏書齋終藉汝地窄不傷檐

小雨纔收點高林漸透光風攤書滿案水載月搖牆清
簾涼消酒深爐夜貯香貧居多所累筆硯爲人忙

近郭非吾意爲園亦有初本無錐可立差免穴而居就

架扶叢菊分泉育小魚今年鹽價長不必蒔瓜蔬
以管窺能幾深疑甘石經日中開疊暉天午見孤星赤
地兼秦晉流人盡梗萍海隅今得雨稽首謝高冥
王子羅浮去空齋倍寂寥月懸高臥榻風響飲泉瓢晚
實林方茂春紅卉盡凋宵來唯獨嘯鸞鶴未堪招
玩世金茅子違時獨灑翁篇章情各愜栖宿偶能同座
爲求書滿尊慙近市空時憑寫生手繪盡小園風
鮑守餘雙履浮丘卽舊墟仙人皆已矣何者是吾廬果
熟攜孫摘詩成命子書白頭閒亦得終自惜居諸

送區興甫之陽江

暑中揮汗枉經過
病眼難開奈別何
莫道陽江非遠道
白頭相見苦難多

嶺頭相送昔何時
十六年來尙若斯
今日莫論天下事
只須長保鬢邊絲

同邑中諸子登鐘樓小酌

飛樓跨路石門開
新築城東百尺臺
碧水遠明朱檻外
數峰青入女牆來
霜歸晚葉催華髮
月上初弦落酒杯
故國舊知無限樂
夜鐘鳴盡未知回

荷池偶題

今日花始開
昨日花尙好
欲知花故新
但看蜂多少

方也。不見水但見紅與碧。小雨芰荷翻一聲何處得

答袁二玉卽送之歸餘杭兼柬季偉公

十月黃花猶在徑擁褐徐行黃沒脰清晨有客叩我門
童子貪眠呼不應病身出揖小亭西袖有新篇爲我贈
臨風玉樹旣皎如滿把驪珠光照射聞君家住西子湖
浩然動我曾游興山色周遭郭外青波光一片衣間凝
春烟秋月幾銜杯故國舊家同墮甑羨君生長久承平
往事何堪入聰聽南來詩卷氣有餘展讀終朝語清醒
不嫌老馬問修途自愧霜蹄早蹭蹬季生聞說寓蘭谿
母老兒嬌室懸磬君年方壯渠尙強好上湖船共深訂

獨漉堂集卷之六

羅浮陳恭尹字元基

小禺二集

劉顯之六十贈之

白髮頻添不自休杜門終日事窮搜三千高第中分魯七略羣書總萃劉未擬河汾還獻策無妨匡鼎亦封侯生來年齒差相若經學於君遜一籌

寄題王阮亭西城別墅十三咏

石帆亭

大壑有藏舟茲帆負而走不覺動波濤但見移星宿寄

謝濟川人清風在巖岫

樵唱軒

日落山更空孤亭悵幽賞一聲何處歌松風遞餘響不必問其辭悠然絕心想

半偈閣

妙法非有無一偈何可說小閣坐默然花光滿林樾目送海岱雲西飛過吳越

大椿軒

世無千載人大椿壽誰算黃帝甲子來才及春之半獨有觀棋人還家柯已爛

雙松書塢

雙龍何夭嶠屹立竦毛髮興至一攤書愛此松下月有時清夢中風濤坐超忽

小華子岡

溪山不自名勝地因人有不知今古人夢寐相反否丸丸華子岡小大俱不朽

小善卷洞

舜以天下讓善卷固弗取茅茨與土階何用分出處想見洞中人高風邁巢許

春草池

年年春草芳綠徧隴與畝一入池塘夢遂爲謝家有不
惜緣更黃但惜離居久

三峰

三山不可卽林中恍如對世無癡神仙要當屬吾輩羨
門與子喬安知不在內

嘯臺

天地本一氣至音唯可通金石與笙簫喤喤徒亂聰爲
君一登嘯元鶴來高空

石丈

晉國昔能言泰山曾自立神異卽不無幽奇詎能及拔

起若興雲濛濛翠猶溼

竹徑

結根幸在茲綠筠長可保湧翠爲波濤秋聲滿晴昊三
徑淨無塵風影自能掃

綠蘿書屋

雨霽聞鳥聲春陰覆林莽碧蘚印階明綠蘿緣壁上中
有讀書人千秋遂孤往

癸酉人日偕王礎塵王新侯王立安過石公精舍

惠州王使君紫詮挈其諸孫已先在同登懷古
樓卽事作

獻歲酬酢勞郊垌未曾出今與良朋偕方知值人日東
風動高懷幽事期禪室歡然集童冠不暇計六七長文
抱著車苟或幼在膝入林鐘乍鳴清梵磬未畢隔籬辨
主賓近牖聞琴瑟石徑絕纖埃板橋度殘蕊登樓一舒
眺日月飛何疾萬古浩茫茫天步無停蹕石門猶漢壘
香浦非前率隴畝半青黃滄波一洄潏寒花采玉蘭圃
樹攀霜橘老大習酸辛穉子甘崖蜜聊爲虎溪笑且試
元卿筆卽事非古今至道忘儒佛詢知吏爲隱亦有民
名逸冀留金石篇來者爲可述

鍾純臣廣州寓齋賞牡丹作

自是羣芳第一流誰移嘉卉到炎洲明霞剪出千重瓣
紫玉堆成十二樓仙子未堪同淖約化工何必太雕鏤
經旬宴賞猶能好欲笑芙蓉不耐秋

五六七言絕句爲朱竹垞題小影

識君三十前貌比今時好獨有千古心不共流年老
髮薄未勝藤笠身閒穩稱秋衫歸夢一竿何處荻花烟
艇江南

霜雪侵顏日漸新文章寫出是天眞占星帝座非無客
避世金門自有人

同朱竹垞梁藥亭屈翁山過詞林南公房觀唐僧

貫休畫羅漢歌

二月八日天晴曉故人特地停舟艤相約菩提樹下
吁嗟霜雪枝條斬千秋古跡罕復存石幢寶厯猶唐整
南公爲我開一軸先朝賜物珍如琰對之不覺形神歛
胡僧端坐當軒檻低首寫經不見領目睛注視光猶焰
鼻尖下垂唇欲掩大筆如椽指端掣貝葉行間纔數點
硯旁堆葉散不檢童子侍側出半臉倚柱靜觀如未厭
老猿休心寂百感階前假寐坐不敢擁篲而立毛髡髡
長衣被體色黯黯足爪着地纖如剝絹素雲生朝慘澹
欵識年深失姓名藻藏幸且無塵玷圖形正面古所難

况兼蹙縮加饒減相傳畫手是貫休不是高流無此膽
君不見羲皇一畫直至今文章日日趨奇險

別朱竹垞三十六年矣癸酉二月復會於廣州三
日別去送之以詩

三日江邊駐客船菩提壇下又離筵如何三十六年別
一日分爲十二年

除夕咏橄榄同王紫詮使君梁藥亭屈翁山吳山
帶季偉公作

嘉果防中酒華筵列幾枚色迎青帝近甘自隔年回弱
蒂因鹽落微香奪茗開深宵人不遠相勸盡餘杯

正有文園渴生津爾所優添將牙後慧藏作掌中鉤蒼
玉春王佩丁香漢署求明朝期獻歲一一記吏籌

果中推異品地遠乃名夷歲歲無爲賞青青欲贈誰車
箱歸北客花實又南枝消盡人間毒漁翁祇自知

事後思忠讜嘉名比直臣病從苦口利寒到盡頭春作
彈驅羣癟堆盤襍五辛諫書稀聖世笑爾美芹人

題西洋畫

西番畫法異常倫如霧如煙總未眞酷似少翁娛漢武
隔帷相望李夫人

絲絲交織自成文不畫中間畫四鄰亦是晉唐摹字帖

偏於無墨處傳神

題遲靈山屏萬行樂

德行之方如面詩卷之高等身三仕三遷仙吏一琴一
鶴其人

惠州代汎亭雨後望西湖

高亭下視極人寰積水遙連埠塊間一線綠分湖上路
幾重青出郡西山坐臨勝地如曾到名在千秋自不刪
不是使君閒著眼後人何處得躋攀

方毛氏節烈歌

毛司李會侯之女

君就木妾墜樓此心一日爲千秋死同穴穀異室此心

十年如一日嚴灘新塚高崔嵬一棺兩壙同時開祝宗
祈死亦太拙粒米不入生何來經旬禮佛饑無怠正氣
在中能不餒重泉一笑好相迎易簀之言今尚在吾翁
吾父幸勿悲含生取義當如斯承祧有子墓有碑一死
較勝墜樓時

鎖海樓同梁藥亭送黃忽菴歸太倉毛會侯歸嚴
州季偉公歸杭州分得都字

重構飛樓壯此都朝臺送客又吾徒文章未沫張丞相
霸氣全銷越老夫萬壑歸潮明檻外千峰涼雨散城隅
天涯一別分吳越後會蒼茫定有無

哭王礎塵

素車相送粵江邊生死論交二十年牛斗之間光尙在
如何埋得向黃泉

廿年重活更何爲

金臺建業兩紛紛麥秀成歌昔所聞欲望龍髯無處所
東西南北且爲雲

獻策曾承相國知三加親爲結冠綏痛來禮數從茲絕
不獨西臺慟哭時

長將行跡寄天涯三十鰥居不自嗟客有問君君大笑

丈夫無國更何家

高行唯與古爲徒
懶直常師汲大夫
身後有人思苦口
當時來毀更來謫

天才微妙不煩思
斗酒青蓮信有之
猶記小齋新柳發
三更和盡百篇詩

十行一目古誰如
強記寧惟七篋書
一盞青燈人白髮
病中猶不負居諸

眉鬚如畫發高吟
至理清言盡德音
憶雪樓前風雨後
廣陵一曲絕于今

纔了先人土一杯便思終老向炎洲
骨肉卽今還父母

衣冠長此葬羅浮

送蔡漢長入都

君去須登郭隗臺憑將杯酒醉荒苔黃金駿骨招何日
赤汗龍駒只自來

送怡然上人汀州省母次梁藥亭韻

不惜遠難踏路塵九龍灘上獨行身吾生早作無依子
世外偏憐有母人

送林赤見北上

與君父子交骨肉兼朋友于君出處間躊躇亦已久富
貴非所欣長貧難獨守昂昂七尺軀硯耕日糊口甘旨

安所供庭闈俱白首應舉爲文章如狂逐日走空役一生心豈足傳身後旣作獻玉人莫若求先剖庶幾少息肩餘力堪攻取君稟絕異姿立行尤不苟在器爲干將在星爲樞斗應機立能斷遇物操其紐以此馭世紛艱鉅復何有帝京英賢會九垓共奔走方騁千里蹄直抉開天手勉矣樹令名三立期不朽

題王蒲衣琵琶圖

抱月懷風倍可憐更勞芳袖拂清絃謝郎自足眞人想爲爾移情北臚前

一曲烏孫馬上音高彈促節且娛心琵琶妙手王摩詰

不買鸞膠續斷琴

邊月

神龍銜燭地顧兔亦乘輪共此中閨照分隨出塞人露
溥光不匝野闊影無鄰候滿年年事空嗟歸夢頻

邊雪

煙塵一以滅高下玉爲臺牧馬來無所同雲黯不開凍
凝青海浪路失白龍堆奉使丁年客從今又幾回

邊柳

絕域誰相賞阿那自得名葉間穿舊箭原上列新營白
日風枝折殘春雪眼明南朝大司馬空復涕金城

邊笛

微風傳妙曲清切若爲酬誰挾終南琯來添塞北愁關山無盡月天地不禁秋何由聞歌凱征人下戍樓

邊馬

塞上傳烽警將軍賦出車千羣新草外八月上臘初雲
旛龍爲友風生虎不如爲君威海內安用事詩書

邊鴈

南北家何在其生無定居避人猶有弋寄漢已無書沙磧
將難久江湖迴自如歲寒天路永歸翮莫徐徐

邊烽

夕烽傳頃刻千里到雲端氣足蒼山暝光添紫塞寒萬
方專視聽一點是平安莫取佳人笑諸侯怒目看

邊草

匈心榮與悴今古恨無窮雪散燒痕上青歸戰血中天
長垂大漠地遠後東風獨有明妃塚年年似漢宮

邊塵

人間何處免北塞獨先飛似得風雲氣全欺日月暉曳
柴傳戰法望銳亦兵機差勝京華客終年化素衣

修先墓作

白頭良已矣子職竟茫然負此一抔土于今四十年邱

忠餘往典紀事有新編寂寞松楸下豐碑誰爲鐫文淵猶藁葬正則且沈身古者無修墓非言患難人報唯存此日舉必念千春黽勉從微力傷哉由也貧

不辰吾最甚十二喪慈闈對食啼葱葉當秋泣線衣國憂纔隔歲泉路幸先歸賜葬仍同穴絲綸灼有輝

峰西頻倚杖一上一徘徊筋力今如此餘生能幾來彼蒼誠有感積雨喜全開十日松間坐濤聲總是哀

固安唯至願尺寸自經營墓是無窮事人兼不朽名發祥如有本憑弔所從生雖乏青囊術勝公自得城

萬山青不極曠絕此登臨大化自通塞吾人爲古今風

搖千畝綠雲散一溪陰轉盼皆陳迹彌傷志士心

白鳩

奇毛遠致自南交異物何須論九苞霽後有聲來屋角
月中無影立梅梢曾爲湯瑞同丹鳥不入周詩亂鵲巢
宿世鷹揚心尚在白旄黃髮未全拋

贈程立方國學

君家職方吾老友其人愛士不離口往時寄我都下書
君名每見新篇後十四年來宿草生而君爲客五羊城
三四過我始一值長身赤面神尤清卞和幾別連城璧
杜甫方爲老賓客日觀東尋泰岳碑天津西笑長安酒

徘徊嶺外再經秋，車馬因人遍九州。
海天萬里豁心眼，珊瑚火齊資冥搜。
新詩示我殊開爽，往帙雖多今更長。
只將妙筆寫高深，不與時流爲俯仰。
平生意氣已心傾，况是山陽晚笛聲。
如何咫尺仍千里，不及東風共聽鶯。

送方葆宇

瓠落餘生在，嚶鳴舊好存。
夫君懷遠別，昨日枉高軒。
小驛梅迎客，寒溪草閉門。
無能具雞黍，相送亦何言。

西湖觀打魚同王紫蠟若雲立安朱開黃作

沙際添新漲，橋邊響細風。
同人來雨後，尺鯉出湖中。
竹筏漁家屋，藤蓑鶴髮翁。
獻鮮知有客，賈勇更張罋。

撥棹爭先後平湖望渺然安知人在水只似馬行天葉

泛舟形小雲飛網勢圓得魚邀上賞公子不論錢

峰轉仍波浪源通忽石林直拚三日棹方盡兩湖深樸
俗無臺榭貧家有織紝村村懸敝笱知不患年侵

繫舸黃塘外亭邊水一篙昔時僧院閉前月浪痕高短
笛調新曲行廚進濁醪未堪窮勝事饑溺愧吾曹

病足經時鄭邁公以桑寄生見貽漸有起色賦此

戲柬

寓形寓內已無多寓木深承起積痾吾道不行非一日
妙方端的更如何

答林敬臣

嶺南嶺北歲頻煩知有先人素業存偶著茶經唐處士
別分藜火漢王孫同心千里能迴駕病足三秋未出門
空荷瑤華枉相祝白頭衰謝更何言

送王虹友歸太倉

病中纔一望容輝豈謂殘年便送歸作客只今多白眼
舊家何處問黃扉嶺頭詩卷梅花瘦吳下扁舟木葉稀
天路鴈行飛已盡羨君唯守釣魚磯

送王紫詮使君觀察川南兼以爲壽

箕尾出東隅牛斗在其側如何分野內燕越殊南北與

君隔萬里衰晚始相識鴻飛與虬潛事異中心得君才
具匡濟少小富學殖方壯已爲郎纂修曾借職雖容著
作塲出入東西掖祿養逮高年公餘事登陟家近盤山
陽子春有遺洫青難結兩耳健足生八翼一線天門開
三潭龍霧黑長嘯踏煙蘿高吟呵鬼蜮虎穴亦偶眠僧
廚頻寄食越險倍驍騰耽寄忘僞仄細寫北岳真傳之
子卿墨九重有眷命五馬來南國始至合江樓溪山似
能憶豐鱷滌胥懷羅浮在封域時當廢弛後萬緒紛如
織公事有期程案牘常充塞然膏繼落曷伏枕思嘉則
頻年滋汗漫一日皆修飾驅車四百峰聊以適吾適維

時建子月落木飛澌瀝野燒斷復明溪聲淺猶激南中
冬向暖雪下俄盈尺煮茗斲層冰題詩坐孤石韻窄語
有神枯寒酒無力夜宿就禪衣朝行共山屐茲山信奇
秘抱樸初來宅近揖鮑使君遠招浮丘伯三十二代仙
並注長生籍家老野人黃孫子真人白相示有新銘至
理符元易遂造飛雲巔夜半光赫赫初日上空濛重昏
頓昭晰建亭名子日用示丹砂的至後一陽生夜氣中
宵覩大道本目前世人自沉溺真機一似握百感無不
寂坦步任窮通直心以行德見義勇於爲與民共休息
安才旋氣化遠略銷奸慝干旌子四郊羔裘絲五絰湖

橋時命舫郡閣頻畱客風流古有人文采今誰敵席門
寄窮巷往往勞熊軾唱和靡不同篇章漸盈百吾生丘
壑志賴以遣晨夕內顧何所長諸郎謬求益去歲兩爲
災及秋更其劇野吏古亭西書齋寸苔積一跌出不虞
右股幾成蹙師資諒非據造物來深責臥疾十餘旬至
今猶恍惕送君川之南遠想縈肝膈洞庭四際天巫峽
雙懸壁扁舟溯浩渺百丈行荆棘白帝古高城竹王舊
疆域仍當度瀘水葛相曾于役使節此經臨所向皆名
跡邊陲况少事行邁多餘隙妙筆發幽妍閒心恣摹畫
文章自千古物色增高格西蜀宦遊人杜陸爲巨擘花

溪與劍南鼎足看今昔弱冠事遠遊中歲聊停策河漢一沿洄衡廬常藝植裏足太行西北睇徒蹴踏峨嵋心所往擬得同探索藥石更精奇僊靈畱采摘免絲下有蒼烏頭小爲翦絕壑長空青方流饒水碧老態未龍鍾餘生况鷄肋去志乃勃然兒曹阻行色今晨届弧矢幾日移旌戟四座稱萬年下民歌九罭語別在須臾重期莫能測各爲南北人復作東西隔人生感知己握手殊憫默何以贈仁言高明尙柔克

寄余杞亭廣文乞康州向首烏

作傳曾聞李習之農經百草未嘗知成紋自蹙如山勢

引蔓能交人夜枝五嶺諸州康最好一筐相惠赤尤宜
年來病足資奇效不爲霜鬚變黑絲

余齊樞先生有曾孫之慶過其園亭題詩志喜
蒼松翠竹五峰西百福偏於晚節齊四葉孫枝花始見
三重堂構燕雙棲詩成先許諸郎和酒熟堪酬好鳥啼
最好石橋門外路入城潮水綠盈溪

與潘子登余兼五有中元宿雲閣之約以暑極不能久偕梁巨川盧俊斯放舟先歸却東潘余二

子

山夾深江入海濤扁舟來往未云勞新松倚岸疑陰淺

短杖隨身怯路高
墻頂千燈明
昨夜天中孤月待
吾曹却緣憚暑參差甚
虛閣誰飛白兔毫

送王叔琬季如奉川南使君命送家之宜興時立
安自都門奉太翁南來將至

西行路遠北歸貧
百口分爲去住身
陽羨寄家初僦屋
粵江移棹暫違新
清秋正熟黃花酒
紫氣應來白髮人
到日華筵開四代
德星今在太湖濱

獨漉堂集卷之六

羅浮陳恭尹字元孝

小禹二集

乙亥生日歸錦巖先祠許伯玉喬梓載酒相餉同
潘子登梁巨川盧俊斯集飲卽事

老矣猶堪斗百篇生初長記在親前黃花又值三三月
白首今踰八八年古岫石林元壁立新詞風木尙蕭然
勞君載酒能相餉且爲停杯一問天

讀梁高士寒塘辭世詩次韻哭之

絕無沾滯絕根塵膚髮完歸與兩親蝴蝶夢中醒睡客

白蓮花裏去來身天邊星已占方朔谷口名猶說子真
不恨夜臺多好友西山薇蕨漸無人

寂寞空齋閉竹門寒塘西畔暗雲屯心從灰後仍餘熱
水到窮時自得源作傳敢辭朋友責遺經深幸子孫存
朱明丹火西樵月照爾千秋處士魂

家務鉉載酒移菊過耋符菊籬同虛齋巨川俊斯

諸子共酌次日復同諸子過虛齋西山賞菊醉

後卽事

昨宵載酒人攜菊今夕扶筇客就花斯世有誰稱隱逸
此身連日在雲霞言尋西嶺無多路不覺東籬屬兩家

霜鱗秋英堪盡醉歸時新月落牕紗

爲大嚴禪人母比丘尼六十壽

四十年前識若翁聞歌桃葉比花紅而今老作城東母
親見如來十指中

謝何宗鼐惠鶴

胎禽馴久不知齡移贈山池適性靈引吭獨鳴高頂赤
側身徐步老拳青曾依處士能迎客欲擬幽人別築亭
仙嶠翹翔他日事朝來臨水自梳翎

過梁殿一殿章山園

百尋藤蔓老龍形千歲松根下有斧峭壁尙粘霜葉赤

一峰分入幾樓青

怪石參差築作臺冰紋疏密上階苔請君亭畔時刪竹
城外山光要入來

五峰相望水迴環翠色林香杳靄間惟得過君皆大醉
主人家住是中山

梁疊石廣文奉節母馮夫人還自瓊南喜作

長林欲靜風不息誰家母子俱頭白聞君奉母海外還
使我悠然生喜色君家有母世所無生來二十鸞鏡孤
呱呱黃口始匍匐高堂尙有翁與姑况經喪亂兼寇盜
綢繆牖戶多難虞孝養能成義能教使君早立恢宏圖

海潮之東朱崖北虎皮高坐爲師儒板輿迎母就官舍
薄祿聊作反哺烏母爲喜慰開一笑蒼天不負吾區區
解簪脫珥置學產瓊人勒石婺山隅春秋獻祝皆俎豆
自茲廟食終不渝五十年來冰雪操三千里外舟車途
鯨波鵬浪往復返鬼神呵護良非誣瑤池青鳥會獻果
丹山小鳳還將雛有司褒異表節行閭里傳述爲楷模
嗚呼君家有母世所無人間寧得此丈夫

藥亭入峽有月親高峽燒星夾遠江燈之句索予

同賦別後出峽目覩其妙因爲繼作

搖颺孤舫夕欸乃片帆興野燒難分月江星不礙燈添

衣聽戍鼓把酒念良朋自判中流袂吟詩久未能

月夜家園小臺酌別吳山帶

已戒征航香浦間小臺聊共此時閒風聲自沸階前茗
月色遙分郭外山笑語從容天漸曙別離南北鬢俱班
兒孫引領聽春信消息真傳一解顏

劉漢水六十

離亂相依二十年老來猶幸返林泉舊顏漸皺唯存笑
新句能佳不喜傳閒按茶經尋水脈自穿芒屨踏莎田
往常謂汝生兒晚五岳今游在目前

寄黃問溪八十

寄書南去涉瓊波爲訊先生大耋過白髮剩來曾幾許
黃花開日尙能歌一竿無意還占虎大笑何時更墜驃
我少於君踰一紀年年中酒病偏多

彭艾庵寄水晶眼鏡率筆賦謝

水晶爲鏡好寄我重兼金得此虛明質如傳妙密心纖
毫無隱爾少壯忽于今萬卷荒疎久從茲更一尋

家山農母楊孺人貞烈紀事

兒雖在夫受累此身不惜爲夫代夫旣離兒有依此身
不死將奚歸璜溪一曲清無滓白日在天身在水浩然
正氣面如生懷二之人心盡死噫吁嘻地坼天崩此一

時世間曾得幾鬚眉

贈山農

旅舍濠西曲巷偏扁舟來往愛君賢親嘗百草歸游橐
自寫青山不賣錢

死國當年尙有孤爲忠爲節義何殊白頭吟望天南路
老淚相逢各未枯

丙子生日歸錦巖先祠次去年韻

老作書魚鑽簡篇傷心長是小春前祠開梓里纔期月
歸對籬花已二年昧谷日斜難却返昆池灰冷不重燃
生前生後何窮事淚洒西風罔極天

冬夜同川南王使君舟泊樵溪驟雨有雷

數載篇章唱和同將分仍得共游蹤雷鳴南海初冬夜
月落西樵七十峰乍泊且嘗他國酒不眠遙聽隔山鐘
芒鞶未怯青泥滑樹杪應添瀑百重

白雲洞

有流觴古跡

四壁石崔嵬飛泉石上來橋分三折入峰坼一門開坐
處凝絲雨行邊滑細苔浮觴不可待先命酌泉杯

尋碧玉洞瀑布同王川南作

昔余寓西樵茲泉最心賞及乎匡廬游三疊差爭長各
在嶺一隅無由較修廣夜來歇孤棹不寐心養養肩輿

歷翠微舊路多榛莽谷深無耕樵厓欹隔輪鞅偏側不可立况乃通來往旁睨已戰兢下視殊惚恍未見瀑布飛先聞風雨響安得趨捷驅猿猱同下上從行數童子體輕時用罔奮身獨先下絕叫咸鼓掌使君益興發手卓青藤杖挾扶有力士羽翼兼兵仗駕肩或並騰駐足不容兩更番迭送迎老脚亦能強遂造磐石顛列坐首皆仰白練明高空銀河垂晃朗峭壁立如墉激流更奔放橫敷半百尺直下七十丈輕風吹餘沫散作仙翎擎雲輕玉龍池珠瀉天人帑耳目爲一新神形頓蕭爽維時初冬候雨潦收田瀼壯觀雖未殊浩汗仍非曩威鳳

見一毛或可得其彷彿此萬古流不息同天壤誰能探
其源悠然發遐想

西樵道中

山半雲生石作根古墻薜荔自爲村兒童處處皆開塾
流水家家總到門

翳門關路上嶮嶒半坐藍輿半自登老脚尙堪鞭策在
來時忘却日南藤

燒堆縱橫總植茶平原無土不桑麻羅浮四百能如此
富盡循州百萬家

送趙秋谷之潮州

半月五羊城紫梅開尙淺何以樂新知青尊共游衍良
儕唯二三美醞無沈湎時尋廣莫野或命豈峩船古寺
搜碑遺清溪候潮轉悠然發長嘯儻爾飛雄辯歸來讀
君詩燭下終長卷如有神物憑頓使心目展東海與泰山
真形入裁剪人言之子傲我獨欽其善羣驚葉縣龍
信有蜀州犬性情雖各適去取良無舛倘君非不狂卽
我狂難免寒冬爲此別宿約誠須踐昌黎驅鱸地風教
今重闢首路指龍川君家舊疆畎懷古一沈吟新篇會
非鮮引領望歸艎芳郊及春餞

答劉考功省菴

日月本同升東西異圓缺此心有固然豈必岐秦越之
子赤帝胄盛年列簪笏駟馬來天南聲華振窮髮使節
暇有餘仙舟停未發訪我步蓬蒿招游望溟渤寒梅香
始飛野寺鐘初歇揮觴互獻酬利涉忘津筏自慙朽鈍
姿所有空皮骨壯也不如人老矣行多蹶何以副深期
欲賦情先竭煌煌金石篇風雅相揚溷八水得清深三
峰同屹峯仍飛白兔毫出自蛟龍窟貽我比瓊瑤光輝
到薇蕨前旌已戒道列宿還歸闕都人咏繁駒祖席思
投轄寧知倦客心一日如三月申章報未成及渴泉方
掘誠非和氏珍敢避荆人別

贈樊崑來太史

董狐之後無良史千古是非成彼此諸葛曾蒙入寇名
凍水猶然況餘子緬憶當年天柱折龍蛇起陸坤維裂
一二孤臣川嶺間泣盡穹蒼還繼血只期不負方寸心
寧知姓氏千秋列與君先世有同符異地殊功元一轍
凌烟舊畫已荒蕪返日珊瑚更誰說君持史筆入蘭臺
自有鴻文紀前哲所嗟江左及閩滇十六年中統三絕
身膏草野幾何人毅魄貞魂總英傑非無蹈海葬波濤
亦有高棲守巖穴碑官野乘世有之益部黔南事多缺
嗚呼天地之立維三剛斯人之死而不亡表往所以勸

方將大書特書吾所望其副寄我山中藏

題把酒問天圖

夢夢無醒日高高獨奈何酒旗天上有醉客更應多

李廣文方水葬於東郊哭之以詩

一揖青郊外從茲隔九原及于棺下送猶勝夢中言避地頻同旅移家近對門平生期許意今日更何存

直諒今誰及經綸世未知祿微爲養日官小作人師瓊海麻衣返盧溪素旐馳六年長別淚滴入數行詩

戊寅元旦家園漫成

雲物春城佳有餘小臺搔首立踟蹰百年駒過三分二

一歲人間正月初生態可知霜後樹舊交唯有蠹殘書
東風掩戶敎兒輩霄漢新翎看鶴梳

錦巖先祠有梅一樹春將半猶盛花在粵中爲希
有與巨川俊斯咏之

桃時杏日各爭開何意林中尙見梅密葉已兼青子出
數花如待主人來枝橫自昔難爲咏頭白而今不用催
應惜和羹才未盡先公祠下與徘徊

外姑湛節母馮太君八大壽時旌表初至
方圓並畫古難能况挽頽暉轉日升宗祏已新先世廟
佛龕勤禮六時燈心空萬慮皆如燭淚盡他年尙作冰

猶有橐裝餘產在春秋畱得與雲仍

先公高義人間少節孝天生樞內才再世漂搖爲砥柱
百蠻聲俗有驚雷西臺使者飛霜筆南國詞流祝壽杯
五十年前臯廡下白頭無復孟光來

送林桐叔歸石嶽

嶽勢雄諸郡奇蹤闊二樵瀑從天屬地潭跨石爲橋俗
樸無今古厓高失暮朝擬同吾子去深處託鶴鶴

題四皓圖

萬峰青處不飛塵三秀林中日日春四老共成詩十句
未知誰是首倡人

青官安後漢幾危事在高人合早知聞說留侯多祕計
當時別有四鬚眉

題徐虹亭看奕圖

大地一楸枰日月黑白子借問看奕人置身局表裏

中元前後約過徐虹亭寓齋夜話連阻暴雨比晴
則無月矣夜坐賦柬

咫尺相期話月明幾宵頻負寺鐘鳴雷驅星漢迷天路
雨走江湖滿郡城暑氣暗銷三伏候豪吟長和五更聲
晴來已是銀蟾缺擊折重門不易行

九日小集風幡堂同姚敦仁梁藥亭王蒲衣遲徐

虹亭不至分得燈字

茗謙風前快不勝江城佳節况良朋言尋西土千年樹
還問南宗第一燈金塔繡深微辨字石幢身老已無稜
清觴擬待陶公醉繞徑黃花開未能

秋帘

裊裊西風裏蕭蕭倦客途香傳金鑿落人在酒家胡秌
畝年方熟旗星夜未孤不知傭作內還有長卿無

秋寺

野日黃方落溪雲白尚飛世情何處冷秋色在禪扉鐘
罷聞蟬語林疏見鶴歸老僧三五輩閒坐補山衣

秋燈

朔風猶未入暑月已全過不有青燈對其如良夜何聽
雞時獨舞偶影或成歌知我應唯爾人間豈易多

秋原

茫茫衰草色極望與雲平三壤今猶賦高原人未耕風
蓬如軸轉夜燒似龍行且喜東南豁無山月易生

秋社

農祥傳月令賽社及秋徂樹下趨童稚壇中雜史巫雁
來排碧落燕去掠平蕪宰肉陳孺子而今作老夫

秋屋

騷人搖落意今古得無同未減三時月唯多四壁風砌
蟲吟蟋蟀階葉走梧桐天宇何寥廓誰堪老此中

秋漁

乘潮秋渚上月下一竿橫自有天堪問何妨水至清龍
彫西伯獮醒醉楚臣行亦各爲千載長歌懷濯纓

秋瀑

空林何浩浩石壁有懸泉直瀉黃姑渚橫飛白帝天聲
從千仞落風散萬珠圓莫惜離山濁西成待滿田

秋簾

桃笙吳賦重冰字碧紋連靜拭丹帷內涼生玉枕前夢

魂曾共適蘚澤尙依然未可同統扇西風一棄捐

秋塘

行吟池上影來去日紛紛風岸堆殘葉晴波度片雲雁
行閒可數魚躍靜偏聞春草他時夢園林秋又分

秋成

漢皇猶自將率土敢言勞共命唯良馬餘生託寶刀寢
霜秋柝冷占氣夜天高未見功成日還家已二毛

秋獵

無事空騰飽秋田且合圍鷹盤霜野擊馬逆朔風飛甲
帳毛爲雨歸人血點衣好憑誅異類原獸已知威

秋菜

荒畦猶有菜弱架已除瓜不少去來蝶還尋黃白花雨
餘收落子霜下卷新芽抱甕勞勞者於陵是一家

秋鏡

對鏡意茫茫爲軀七尺強如何千載下空讓昔人長面
目吾猶爾妍媸汝不藏因之還自見敢恨有秋霜

秋樓

巍樓雄郭外虛牖敞雲中靜納銀蟾影寒生玉馬風地
高秋最早天迥望何窮未得驚人語終朝憶謝公

秋衫

蕭蕭霜露色木葉下江皇越葛辭園扇齊紈落剪刀曉尋西寺約老怯北風高坐汎黃花酒還添大布袍

秋蝶

鳳子文爲羽仙人錦作衿有生同物化而汝獨秋深猶及芳菲日彌傷遲暮心因知漆園叟所感亦猶今

秋烟

秋空不可極極望轉生烟日抱游塵外晴曛曉露前微微依靜渚漠漠映遙天向處功臣閣臨風一惘然

秋琴

金行天地肅視聽此爲真一對高山奏如逢太古人宣

情通萬類解慍及吾民杳矣誰知者冰絃空復陳

吳又札七十七舉子詩以賀之

周武九十三諸子皆象勻尙父八十餘有女登椒閣家國屬當興瑞氣因迴薄老蚌毓明珠枯叢秀花萼君德厚且長琴書久無託同人咸注望熊夢果不錯於茲近八旬得震纔一索揆之昔聖賢興符自今作足爲壽考徵豈獨生兒樂不見羣飛雛出自千年鶴

送徐虹亭歸吳江因柬嚴藕漁朱竹垞彭羨門潘

稼堂

此生甘曳塗中尾百年拋擲空山裏知交海內幾人存

書札嬾來無一紙羨君肯作羅浮游天南重見生狂喜
青鞋直入四百峰竹杖身登七十里我衰不復能相從
客誦新篇日盈耳如何去我將有行梅花嶺上花方始
君住松陵水一灣澈浦鴛湖咫尺間言歸將作白頭社
尊酒扁舟時往還論交却得朱公叔作賦安仁鬢仍綠
垂竿嚴瀨復有人好古彭簪老彌篤一回聚首一聲詩
洛社香山事可追惜無鴻雁雙飛翼浩蕩江湖同所之

放雲

觸石看初上囊盛偶共歸不堪貽奴友只自掩柴扉歲
旱人同望龍靈爾所依開軒紛五色應近日邊飛

放驢

青脊驃驥子平生能苦辛疾行雖後馬遠到亦如人芻
秣豈云薄衰遲寧久馴從今臥春草飲乾是天真

放鶴

放爾爲騏驥仙人與御風翩盤三島外聲落九天中遠
影凝雲白還丹八頂紅蘇耽遺井在不必語遼東

放鷹

北斗搖光散西風健翮高順天行搏擊報德用貪饕世
每求虞網苦惟解臂條桐柯方待鳳無處立而曹

放牛

幸免爲犧用未將文繡加青畱函谷樹白轉法王車長角終何取花蹄不足誇小童吹短笛歸老老農家

放猿

豈忍相羈久哀吟損性靈自然千載物生有老人形引臂山泉白攀藤月峽青何年成劔術毛髮已星星

放螢

數點來中夜低飛近客牀燈疏無復焰星亂不成行豈以干霄氣而依腐草光林根須早去屋上有新霜

放蝶

抱繭初觀化籠紗爲爾開好尋花底去或許夢中來五

彩難爲畫雙飛不用媒羅浮原有洞葛鮑御風回

放鴨

畜此非吾意浮沈看爾曹賦形虛羽翼天性善波濤江
色遼陽綠軍聲雪夜高因人書史冊未必在奇毛

放魚

升斗皆能活人間邇殺機急流窺進退濁水羨甘肥爾
向江湖去誰施網罟威神鱗多變化豈必盡成飛

題梁枳山笏齋

差勝梁鴻廡鵠鶴有此枝花唯栽一樹井日汲三時起
舞雞飛桀行吟戶凝眉暇中常教子牆外亦聞詩

至日遙和梁藥亭夜集之作同用東韻

子半陽生羲畫中此心遙與故人同
日添一線行將北月到三更上自東
茗熟未銷文武火梅開不厭往來風
草堂各有吟詩客白髮蕭蕭兩老翁

小除後同廖南障梁藥亭王蒲衣王也夔秦欽文
暨各家子弟集東林嘯公方丈重修社事分得
能字

柳眼朝來已漸增小橋流水不會冰百年短褐衝殘臘
半日閒身對定僧疏磬出林風斷續寒雲依岫晚峻嶒
淵明未得陶然醉卽事成詩似未能

卷終